


薛氏二十四種

婦人良方七



明  
醫  
卷  
584  
27

婦人良方卷之十四

薛氏醫按

臨川陳自明編

吳郡薛 已註

新

都

閔道政校

○妊娠中風方論第一

論曰。四時入方之氣為風也。常以冬至之日候之。若從其鄉來者。長養萬物。否則名為虛邪。賊害萬物。體虛中之客於皮膚。則頑痺不仁。入於筋脈。則攣急喎僻。若兼濕熱。則弛縱痿軟。若入臟腑。氣隨所傷經絡。而為諸病。妊娠中之。必須早治。庶免墮胎之患。

愚按病機要云。風本為熱。熱勝則風動。宜以靜勝其燥。是亦養血也。治法須少汗。亦宜少下。多汗則虛其衛。多下則損其榮。雖有汗下之戒。而有中臟中腑之分。中腑者。多着四肢。

婦人良方卷之十四  
一  
日六三

則脈浮惡寒拘急不仁中臟者多着九竅則唇緩失音耳聾  
鼻塞目瞽便秘中臟者宜汗之中臟者宜下之表裏已和宜  
治在經當以大藥養之此中風之要法妊婦患之亦當以此  
施治而佐以安胎之藥仍參三卷首論主治

防風散 治妊娠中風卒倒口噤肢強或痰氣上升

防風 桑寄生 葛根名五 家菊花

細辛 防已 秦艽 當歸

桂心 茯神 甘草 羚羊角鈎各三分

右水煎入竹瀝半合服

白朮酒 治妊娠中風口噤不語

白朮半一兩 獨活一兩 黑豆一合

右酒煎四分服灌之得汗即愈

補遺治妊娠中風排風湯續命湯參蘇湯加羌活引風湯皆可選

用方見第三卷中風類

○妊娠風痺方論第二

論曰妊娠體虛受風而傷足太陽經遇風寒相搏則口噤背強  
甚則腰反張名之曰瘓須臾自醒良久復作又名子癰子冒當  
察其因而治之

愚按前症若心肝風熱用釣藤湯肝脾血虛加味道遙散肝  
脾鬱怒加味歸脾湯氣逆痰滯紫蘇飲肝火風熱釣藤散脾  
鬱痰滯二陳薑汁竹瀝若兼症相雜當參照子煩門

附治驗

一妊婦出汗口噤腰背反張時作時止此怒動肝火也用加  
味道遙散漸愈又用釣藤散而止更以四君加釣藤山梔柴

胡而安。

一妊婦因怒。忽仆地。良久而甦。吐痰發搐。口噤項強。用羚羊角散。漸愈。更用鈞藤散治痊。又用歸脾湯而安。

羚羊角散 治妊婦冒悶角弓反張名曰子癇風瘕

獨活 酸棗仁炒 五加皮

薏苡仁炒 防風 當歸酒浸 川芎

茯神去木 杏仁去皮尖各五分 木香 甘草炙各二分

右薑水煎。

附方

鈞藤湯 方見十二卷第四論

加味逍遙散

加味歸脾湯 方見二十四卷第四論

紫蘇飲 方見十二卷第八論

鈞藤散 方見四卷第四論

二陳湯 方見二十四卷第五論

四君子湯 方見二十四卷第六論

○妊娠瘕瘕方論第三

竊謂瘕者筋脉急而縮也。瘕者筋脉緩而伸也。一縮一伸。手足相引。搐搦不已。大抵與嬰孩發搐相似。謂之瘕瘕也。此症多屬風。蓋風主搖動。駱龍吉云。心主脉。肝主筋。心屬火。肝屬木。火重熱。木主風。風火相熾。則為瘕瘕也。治法若因風熱。用鈞藤湯。加柴胡。山梔。黃芩。白朮。以平肝木。降心火。養氣血。若風痰上湧。加竹瀝。南星。半夏。若風邪急搐。加全蝎。僵蠶。虧損氣血。用八珍湯。加鈞藤。山梔為主。若無力抽搦。戴眼反折。汗出如珠者。肝氣絕也。皆不治。

附治驗 方藥

一妊婦四肢不能伸。服祛風燥暴之劑。遺尿痰甚。四肢抽搐。

余謂肝火血燥用八珍湯加炒黑黃芩爲主佐以釣藤湯而安。後因怒前症復作小便下血寒熱少寐飲食少思用釣藤散加山梔柴胡而血止用加味逍遙散寒熱退而得寐用六君子湯加芍藥釣藤飲食進而漸安。

八珍湯

方見二十四卷第四論

六君子湯

方見二十四卷第六論

○姪鬼胎方論第四

夫人臟腑調和則血氣充實精神健旺若榮衛虛損精神衰弱妖魅之類乘之亦如懷妊之狀故曰鬼胎也。

愚按前症因七情脾肺虧損氣血虛弱行失常道衝任乖違而致之者乃元氣不足病氣有餘也若見經候不調就行調補庶無是症治法以補元氣爲主而佐以雄黃丸之類行散之若脾經鬱結氣逆者用加味歸脾湯調補之若脾虛血不足者用六君芎歸培養之肝火血耗者用加味逍遙散滋抑之肝脾鬱怒者用加味歸脾逍遙二藥兼服腎肝虛弱者用六味地黃丸。

附治驗

一婦人經閉八月肚腹漸大面色或青或黃用胎症之藥不應余診視之曰面青脈濇寒熱往來肝經血病也面黃腹大少食體倦脾經血病也此鬱怒傷脾肝之症非胎也不信仍用治胎散之類不驗余用加味歸脾逍遙二藥各二十餘劑諸症稍愈彼欲速效別服通經丸一服下血昏曠自汗惡寒手足俱冷嘔吐不食余用人參炮姜二劑漸愈又用十全大補湯五十餘劑而安。

雄黃丸 治鬼胎瘀血腹痛

雄黃

鬼臼去毛

葶草

丹砂

細研

巴豆

去油

獺肝

炙黃各半兩

蜥蜴

炙黃一枚

右為末。蜜丸桐子大。每服二丸。空心溫酒下。日二服。或下如蛇蟲之類。其病乃除。

治鬼胎及血氣痛不可忍

班猫

去頭翅足製

延胡索

炒各等分

右為末。以溫酒調下半錢。以下穢物為度。

附方

加味歸脾湯

加味道遙散

十全大補湯

三方見二十四卷第四論

六君子湯

方見二十四卷第六論

六味丸

方見二十四卷第十一論

○妊娠傷寒方論第五

夫時令嚴寒。體虛所傷。即成傷寒。輕者洒淅惡寒。翁翁發熱。微咳鼻塞。數日而愈。重者頭疼體痛。寒熱交作。久而不愈者。多致傷胎也。

愚按前症。為害匪輕。當審經絡表裡而治之。不可輕忽。

加減四物湯 治妊婦腹痛。或月事不調。胎氣不安。產後血塊。或亡血過多。或惡露不下。

當歸

川芎

白芍藥

炒

熟地黄

各一兩

右每服四五錢。水煎日二三服。下血加艾葉阿膠。虛熱口乾。加括蕒根麥門冬。惡血腹痛。加當歸芍藥。血崩血淋。加熟地蒲黃。因熱生風。加川芎柴胡。頭昏項強。加柴胡黃芩。大便秘結。加大黃桃仁。嘔吐惡心。加白朮人參。虛煩不眠。加竹葉人

參煩燥大渴。加知母石膏。水停吐逆。加猪苓茯苓。虛煩傷寒。加人參柴胡防風。

阿膠散 治時氣先服此以安胎。却以主藥間服。

阿膠 炙 白木 炒 桑寄生 人參

白茯苓

右為末等分。每服一錢。用糯米飲調下。日三服。

前胡湯 治傷寒頭痛壯熱。肢節煩疼。

石膏 錢 前胡 甜竹茹 梔子 炒

黃芩 炒 大青 知母 各五分

右用葱白水煎服。

蘇木湯 治傷寒時行。洒淅寒振。或兼噦者。

赤芍藥 橘紅 黃芩 炒 黃連

甘草 蘇木 各五分

右用水煎服。汗出即瘥。如胎不安。兼服阿膠湯。

黃龍湯 治妊婦寒熱頭疼。嘿嘿不食。脇痛嘔痰。及產後傷風。

熱入胞宮。寒熱如瘧。或經水適來。勞復熱不解散。

柴胡 二錢 黃芩 炒 人參 甘草 各一錢

右用水煎服。

柴胡石膏湯 治頭痛惡寒。身熱。拘急口乾。

柴胡 二錢 甘草 一錢 石膏 三錢

右用薑水煎服。氣虛加人參。

枳實散 治傷寒四日至六日。腹脹少食。腰疼體重。

枳實 炒三錢 陳皮 一錢 麥門冬 一錢

右用生薑葱白水煎服。

婦人良方 卷之十四

旋覆花湯 治傷寒頭目旋疼。壯熱心躁。

旋覆花 赤芍藥 甘草各五分 前胡

石膏各一錢 白朮 人參 麻黃去根

黃芩各三錢 右用薑水煎服。

麥門冬湯 治傷寒壯熱。嘔逆頭疼。胎氣不安。

人參 石膏各一錢半 前胡 黃芩各五分

葛根 麥門冬各一錢

右薑棗竹茹一分。用水煎服。

梔子大青湯 治發斑變黑。尿便血。

升麻 梔子各一錢 大青 杏仁

黃芩各一錢 右用葱白三寸水煎服。

白朮湯 治傷寒煩熱頭痛胎動。或時吐逆不食。

白朮 橘紅 麥門冬 人參

前胡 赤茯苓 川芎 甘草

半夏各五分 右用生薑竹茹一分。水煎服。

良方白朮散 治傷寒。

白朮 黃芩各二錢

右用薑棗水煎服。若四肢厥逆陰症也不可用。

芍蘇散 外感風寒壯熱。頭疼心胸煩悶。

紫蘇葉 川芎 白朮 白芍藥

麥門冬去心 陳皮 乾葛各五分 甘草各三分

右用生薑葱白水煎。

參蘇飲去木 治證同前。方見六卷第十二論。

妊娠時氣方論第六

婦人良方 卷之十四 六



婦人月方 論曰。四季之間。非其時而有其氣。謂春寒。夏冷。秋熱。冬暖。之不正也。所感者不拘長少。其症相類。故云時氣。妊娠患之。重者多致傷胎。

愚按前症。與前傷寒。互相主治。

秦芫散 治時氣五六日不得汗。口乾飲水。狂言嘔逆。

秦芫 柴胡各五分 石膏一錢 犀角鎊

赤茯苓 前胡 甘草 葛根

升麻 黃芩各四分

右用淡竹茹一分。水煎服。

葛根飲子 治時氣煩熱。口乾頭痛。

乾葛 麻黃去節根 各半兩 石膏一兩 豉一合

白米半合 梔子二七 白二莖

右用水煎分三服。汗出為效。

消熱飲子 治時氣六七日。大小便不利。

芒硝一兩 細研 葵子二兩

右如前煎服。以利為效。芒硝即朴硝。

人參敗毒散 方見二十四卷第十論。

○妊娠熱病方論第七

冬時觸冒嚴寒。即病為傷寒。藏於肌骨。夏至發為暑病。即熱症也。妊娠患之。多致墮胎。熱病與中暑相似。但熱病者脈實。中暑者脈虛。治當審察。不可樂施。

愚按此症。與前後三症同治。

治妊娠熱病頭痛。嘔吐煩悶。

人參無一方 竹茹 葛根各一兩 蘆根二兩

知母三兩

麥門冬去心 兩半

右每服四錢。連根葱白三寸水煎。

梔子仁散 治熱病發斑黑色。小便如血。氣喘急。胎欲落。

梔子

升麻

石膏

生地黄各二兩

黃芩

大青各一兩

右每服半兩。葱白七寸。豆豉四十九粒。水煎。

大黃飲 治熱病六七日。大小便秘澀。

大黃微炒

石膏各一兩

知母

前胡

赤茯苓各三分

梔子

甘草

黃芩各半兩

右每服五錢。生地黄一分。煎服。

又方伏龍肝細研。每服一錢。水調下。外用塗臍下

又方葛根煮汁。時服一盞。

補遺蘆根湯

治熱病頭疼。心煩嘔吐。

知母四兩

青竹茹三兩

右每服五錢。生蘆根一握。糯米一撮。水煎。

梔子五物湯 治妊婦傷寒壯熱頭痛。

梔子

前胡

知母

黃芩一兩

石膏四兩

右每服五錢。用水煎服。

升麻六物湯 治傷寒斑黑溺血。

升麻

梔子各二兩

大青

杏仁

黃芩

右每服伍錢。葱頭水煎。

○妊娠傷寒熱病。防損胎方論第八

論曰。非節之氣。傷於妊婦。熱毒侵損胞胎。若不早治。多致墮胎漏血。則子母之命亦不能全矣。

愚按前症當分察六經為主而參於前後方論。

治妊娠傷寒身痛壯熱。

葱白升切一分 前胡 葛根 石膏各一分 青黛六分

升麻八分 梔子十二個 右用水煎分三服。

治妊娠傷寒大小便秘結。

前胡十分 大黃 石膏各十分 梔子仁十枚

知母 黃芩 茯苓 生薑各八分

右用水煎分三服。

治妊娠傷寒發斑忽黑小便如血胎欲落。

梔子 升麻各四分 青黛二兩 生地黄二十枚

石膏八兩 葱白升切一分 黃芩三兩

右水煎分三服忌熱物。

又用井中泥塗心下。乾則易。二方出本事再錄有効

補遺治妊娠熱病先以白朮散安胎。方見前

○妊娠熱病胎死腹中方論第九

論曰熱病以致胎死不能出者但服黑神散胎自下矣

愚按陳無擇先生云前症當視產母若面赤舌青知其子死

面青舌赤知母死子生唇青吐沫子母俱死若雙胎一死一

活用黑神散竊謂前症宜補助產母使其胎自下黑神散恐

其大熱不宜輕用果一胎已死者用平胃散朴硝水銀下之

最為穩當庶不併傷生者。平胃散方見

黑神散又名烏金散靈花方各肉桂散

桂心 當歸 芍藥 甘草炙

乾薑炒 生地黃各一兩 黑豆炒去皮二兩 附子炮去皮臍半兩

婦人良方 卷之十四 九

右為末。每服二錢。空心用溫酒調下。  
補遺胎死。用紅花酒煮汁。飲二三碗。

又方。伏龍肝為末。溫酒調下二錢。白湯亦可。  
又方。朴硝末。童子小便。和熱酒調下三錢。立出。

○妊娠瘧疾方論第十

論曰。妊娠病瘧。乃夏傷於暑。客於皮膚。至秋而發。陽盛則熱。陰  
盛則寒。陰陽相離。寒熱俱作。其發晏者。由風邪客於風府。循督  
而下。衛氣至一日一夜。常大會於風府。故發日晏。與早者。衛氣  
之行。風府日下一節。二十一日。下至尾骶。二十二日。入脊內。上  
注於伏衛之脈。其行九日。出缺盆。其氣既止。故發更早。其間日  
發者。風邪內搏五臟。橫連募原。其道遠。其氣深。其行也遲。不能  
口作也。妊娠而發。多傷於胎。

愚按前症。因脾胃虛弱。飲食停滯。或外邪所感。或鬱怒傷脾。  
或暑邪所伏。審係飲食停滯。用六君子。加桔梗蒼朮藿香。外  
邪多而飲食少。用藿香正氣散。外邪少而飲食多。用人參養  
胃湯。勞傷元氣。用補中益氣湯。若鬱怒所傷。用小柴胡兼歸  
脾湯。若木侮土久而不愈。用六君子為主。佐以安胎藥。仍參  
三陰三陽經而治之。

附治驗

一婦人因怒患瘧。舉發無期。久而不已。胸腹不利。飲食少。惡  
吞酸吐痰。用六君子湯。加柴胡山梔。二十餘劑。尋愈。晡熱少  
食。又用四君子加柴胡升麻為主。佐以逍遙散而痊。

一姪婦瘧久不已。噯氣下氣。胸腹膨脹。食少欲嘔。便血少寐。  
此屬肝脾鬱怒。用歸脾湯加柴胡山梔。漸愈。又用六君子湯。

加柴胡山梔升麻而愈。

一妊婦患瘧已愈。但寒熱少食。頭痛暈熱。內熱此脾虛血弱也。用補中益氣湯。加蔓荊子。頭痛頓止。又用六君子湯。加芎歸。飲食頓進。再用逍遙散。加參朮。而寒熱愈。

七寶散 治瘧疾一日一發。或一日兩發。或間日一發。

常山 厚朴薑製 青皮 陳皮并去白

甘草炒 檳榔 草果等分

右每服半兩。酒水各一碗。煎至一碗。去粗露一宿。發時面東。溫服。良久再服。一妊婦先寒後熱。六脈浮緊。用前散一劑。愈。人參養胃湯 治妊娠瘧疾。寒多熱少。或但寒不熱。頭痛惡心。身痛面色青白。脈弦遲者。又有驅邪散。治證亦同。方見上卷第十八論 清脾湯 治妊婦瘧疾。寒少熱多。或但熱不寒。口苦舌乾。大便

秘澁不進飲食。脈弦數者。

青皮 厚朴薑製 白朮炒 草果 茯苓

半夏炒 黃芩 柴胡 甘草炙各五分 右用薑水煎

附方

交加散 治食瘧神效。

肉荳蔻生二個一煨 草荳蔻生二個一煨 甘草二錢半炒半生 厚朴二錢半炒半生

生薑煨二兩半 右用薑水煎。發日五更服。

仲景白虎加桂枝湯 治溫瘧。

知母六錢 桂枝 黃芩各一錢 栝蘆根二錢 甘草炙

牡蠣 乾薑各一錢 右用水煎。服汗出即愈。此少陽經藥也。

桂枝薑活湯 治瘧處暑以前頭痛。脈浮惡風有汗。

桂枝 薑活 防風 甘草各一錢五分

婦人良方 薛氏醫按卷之十四 二 日七

右水煎發服吐加半夏麩

麻黃羌活湯 治症如前但惡寒無汗  
麻黃去節 羌活 防風 甘草各半兩

右如前服加法同二方太陽經藥也

白芷湯 治瘧身熱目痛熱多寒少脈長先以大柴胡下之微

利為度餘熱不盡當服此湯

白芷一兩 知母一兩七錢 石膏四兩

右粗末依前服陽明經藥也

桂枝芍藥湯 治瘧寒熱不論先後此太陽陽明合病寒熱作

則必戰經曰熱勝而動也發熱則必汗泄經曰汗出不愈知

內熱也乃陽盛陰虛之證此湯主之否則久而傳於陰經矣

桂五分 黃芪炒 知母 石膏 芍藥各二錢

右粗末水煎此太陽陽明經藥也

桂枝黃芩湯 如服前藥轉甚三陽合病也宜此和之

柴胡一分錢 黃芩 人參 甘草各八分

半夏 石膏 知母各五分

右每粗末依前服如外邪已解而內未已再服下藥從卯至

午發大柴胡下之從午至酉發邪氣在內也大承氣下之從

酉至子發或至寅發邪氣在血也桃仁承氣湯下之微利後

更以小柴胡湯徹其邪氣按此太陽陽明少陽經藥也以上

諸方並係發風寒暑熱之氣自外而入中於三陽之經者也

桂枝石膏湯 治瘧疾隔日先寒後熱寒少熱多

桂枝五錢 石膏一兩五錢 知母一兩五錢 黃芩一兩

右分三服水煎此太陽陽明經藥也隔日發者邪氣所舍深者也

婦人良方 薛氏醫按卷之十四

麻黃黃芩湯 治瘧疾如前症而夜發者

麻黃一兩 去節 甘草錢多三 桃仁二十個 去皮尖 黃芩錢五 桂二錢

右依前服。桃仁味苦甘辛，肝者血之海，血驟則肝氣燥，經所謂肝苦急急，食甘以緩之，故桃仁散血緩肝，謂邪氣深遠而入血，故夜發。乃陰經有邪，此湯發散血中風寒，治風暑深入陰分，乃血受病，邪氣所舍尤深者也。麻黃桂枝桃仁等，乃太陽經血藥，非三陰經藥也。

附方

四君子湯

六君子湯

補中益氣湯 三方見二十四卷第六論

藿香正氣散 方見二十一卷第十論

人參養胃湯 方見七卷第十八論

小柴胡湯 方見二十四卷第二論

遙散

加味歸脾湯 二方見二十四卷第四論

○妊娠霍亂方論第十一

夫飲食過度，觸目風冷，陰陽不和，清濁相干，謂之霍亂。其間或先吐，或腹痛吐利，是因於熱也。若頭痛體疼發熱，是挾風邪也。若風折皮膚，則氣不宣通而風熱上衝為頭痛。若風入腸胃，則洩利嘔吐，甚則手足逆冷。此陽氣暴竭，謂之四逆。妊娠患之多致傷胎也。

愚按前症，若因內傷飲食，外感風寒，用藿香正氣散。若因飲食停滯，用平胃散。果脾胃頓傷，陽氣虛寒，手足逆冷者，須用

溫補之劑。治當詳審。毋使動胎也。

附治驗

一妊婦霍亂已止。但不進飲食。口內味酸。泛行消導寬中。余曰。此胃氣傷而虛熱也。當用四君子湯。彼不信。乃服人參養胃湯。嘔吐酸水。其胎不安。是藥復傷也。仍與四君子湯。俾煎熟。令患者先嗅藥氣。不作嘔。則呷少許。恐復嘔。則胎為釣動也。如是旬餘而愈。

人參散 治脾胃虛寒。霍亂吐瀉。心煩腹痛。飲食不入。

人參

厚朴

薑製

橘紅

各一錢

當歸

乾薑

炮

甘草

各五分

右用棗水煎服。

人參白朮散 治脾胃虛弱吐瀉。或吐瀉作渴不食。

白朮

茯苓

人參

甘草

木香

藿香

各五分

乾葛

一錢

右用水煎服。吐甚。加生薑汁頻服之。

縮脾飲 解伏熱。除煩渴。消暑毒。止吐瀉。宜沈冷頻服。

草菓仁

四兩

烏梅肉

三兩

甘草

炒三兩半

右每服半兩。用薑十片水煎。

木瓜煎 治吐瀉轉筋悶絕。

吳茱萸

湯炮七次

生薑

切各一分

木瓜

木刀切兩半

右每服二三錢。用水煎。

治霍亂其效神速。一方有黃連。無扁豆。仍與第二論通用。妊婦霍亂腹痛。四肢冷逆。汗脉細。理中湯治之。傷食加陳皮。寒甚脉欲絕。陰症悉其加炮附子。方見二十卷。



竹茹湯治霍亂熱渴脉數 見七卷嘔吐門

附方

藿香正氣散 方見二十一卷第十論

平胃散 方見七卷第十八論

四君子湯 方見二十四卷第六卷

人參養胃湯 方見七卷第十八論

五苓散 方見二十一卷第十論

理中丸 方見二十卷第八論

香薷飲 方見七卷第二論

婦人良方卷之十四 終

婦人良方卷之十五

薛氏醫按

臨川陳白明編 吳郡薛 已註

新都閔道政 校正

○妊娠泄瀉方論第一

論曰妊娠泄瀉或青或白水穀不化腹痛腸鳴謂之洞泄水穀不化喜飲嘔逆謂之協熱下利並以五苓散利小便次以黃連阿膠丸或三黃熟艾湯以安之若瀉黃有沫腸鳴腹痛脉沉緊數用戊己丸和之噉腐不食胃脉沈緊用感應丸下之後調和肚胃若風冷水穀不化如豆汁用胃風湯寒冷臍下陰冷動泄用理中湯治中湯伏暑心煩渴瀉水用四苓散傷濕泄瀉小便自利用不換金正氣散胃苓湯此四證之大略也仍參第八卷第八論主之

愚按米食所傷用六君加穀蘖麩食所傷用六君加麥蘖肉  
食所傷用六君加山查若兼寒熱作嘔乃肝木侮脾土用六  
君加柴胡生薑兼嘔吐腹痛手足逆冷乃寒水侮土六君加  
薑桂不應用錢氏益黃散若元氣下陷發熱作渴肢體倦怠  
用補中益氣湯若泄瀉色黃乃脾土之真色用六君加木香  
肉果若作嘔不食腹痛惡寒乃脾土虛寒用六君加木香薑  
桂若瀉在五更侵晨飲食少思乃脾腎虛弱五更服四神丸  
日間服白朮散如不應或愈而復作或飲食少思急用八味  
丸補命門火以生脾土為善

附治驗

邊太常側室妊娠泄瀉自用枳朮黃連之類腹悶吐痰發熱  
惡飲食到口即欲作嘔強匙許即吞酸不快欲用祛痰理氣  
氣余曰此因脾胃傷而痰滯中脫若治痰氣復傷脾胃矣遂  
以參朮炮薑為末丸如黍粒不時含嚥二五丸漸加至三日  
後日進六君子湯而尋愈

進士王繳徵之內懷妊泄瀉惡食作嘔余曰脾氣傷也其君  
憂之強進米飲余謂飲亦能傷胃且不必強俟脾胃醒宿滯  
自化飲食自進不信別用人參養胃湯飲之吐水酸苦又欲  
投降火寒藥余曰若然則胃氣益傷也經云損其脾胃者調  
其飲食適其寒溫後不藥果愈

厚朴丸 治洞泄寒中

乾薑 炒

厚朴 去皮等分

右水拌炒為末水糊丸梧子大每服五十九米飲下

草菓散 治虛寒泄瀉腹痛無度

婦人良方

卷之十五

七

七

厚朴薑汁拌炒二兩 肉荳蔻十箇 麵煨 草荳蔻十箇 煨

右每服三錢用薑水煎

附方

附子理中湯 方見二十卷第八論

理中丸

五苓散 二方見二十一卷第十論

六君子湯

補中益氣湯 二方見二十四卷第六論

錢氏益黃散 方見二十一卷第九論

四神丸 方見八卷第八論

七味白朮散 方見二十一卷第二論

八味丸 方見二十四卷第十一論

○ 妊娠下痢黃水方論第二

論曰。妊娠飲食生冷脾胃不能尅化。致令心腹疼痛。若血分病則色赤。氣分病則色白。血氣俱病則赤白相雜。若熱乘大腸。血虛受患。則成血痢也。

愚按治痢之法。當參前篇。其下黃水。乃脾土虧損。真色下陷也。當升補中氣。若黃而兼青。乃肝木尅脾土。宜平肝補脾。若黃而兼白。乃子令母虛。須補脾胃。若黃而兼黑。是水反侮土矣。必溫補脾胃。若黃而兼赤。乃心母益子。但補中益氣。若腸胃虛弱。風邪客之。用胃風湯。或胎氣不安。急補脾胃而自安矣。凡安胎之藥。當臨病制宜。不必拘用阿膠艾葉之類。

附治驗

地官胡成甫之內。妊娠久痢。自用消導理氣之劑。腹內重墜。

婦人良方 胎氣不安。又用阿膠艾葉之類。不應。余曰：腹重墜下。元氣虛也。胎動不安。內熱盛也。遂用補中益氣湯安。又用六君子湯全愈。

治妊娠利黃水

厚朴薑汁炙 二兩

黃連二兩

肉苳菹五箇連皮

右用水煎。徐徐服。忌如前。已上六方並出產寶

治妊娠熱痢

黃連一升

黃蘗一升

梔子仁二十枚

右用每服五錢水煎。嘔加橘皮生薑。

治妊娠下痢腹痛。小便澀滯。

糯米一合

當歸炒

黃芪各一兩

右用水煎分四服。

治臨產下痢。用梔子炒為末。每服二錢。白湯調甚效。

附方

胃風湯 方見十二卷第九論

補中益氣湯 二方見二十四第六論

○妊娠大小便不通方論第三

夫妊娠大小便不通。由臟腑之熱所致。若大腸熱則大便不通。小腸熱則小便不通。大小腸俱熱。更推其因而藥之。

愚按前症。若大腸血燥。用四物湯加條芩桃仁。大腸氣滯。用紫蘇飲加杏仁條芩。腸胃氣虛。用六君子加紫蘇杏仁。肝脾蘊熱。用龍膽瀉肝湯。心肝虛熱。用加味道遙散。加車前子。

附治驗

亞卿李蒲汀側室妊娠。大小便不利。或用降火理氣之劑。元氣反虛。肝脈弦急。脾脈遲滯。視其面色青黃不澤。余曰：此鬱

婦人良方 卷之十五

怒所致也。用加味歸脾湯為主。佐以加味道遙散而安。  
主政王天成之內。妊娠痢疾。愈後二便不通。其家世醫自用  
清熱之劑。未効。余診其脈浮大而濇。此氣血虛也。朝用八珍  
湯。加桃仁杏仁。夕用加味道遙散。加車前子而瘥。

當歸散 治妊娠因怒。肚腹脹痛。四肢浮腫。氣急作喘。大便難  
小便澀。產門腫。

當歸 五分 赤茯苓 枳殼 麩炒 白芍藥 川芎 各一  
白薑 炮 木香 煨 粉草 各三

右用薑水煎。氣弱枳殼減半。大便秘。加蜜同煎。  
治妊娠大小便不通。腹脇痞悶。不思飲食。

大黃 炒 木通 檳榔 各一 枳殼 麩炒 三錢  
訶梨勒 四箇 去核 半生 煨 大腹子 三枚

右為末。用童便一盞。葱白二寸。煎六分。調服二錢。

初虞世治妊娠風氣大便秘澀。  
枳殼 三兩 麩炒 防風 二兩 甘草 炙 一兩

右為末。每服一二錢。空心用白滾湯調。日三服。  
小品治妊娠小便不利。氣急。服猪苓散不瘥。用甘遂為末。蜜和  
服。豆許。微利之。未利再服。利後仍服猪苓散。

猪苓散 治妊娠小便澀痛。及胎水。猪苓去皮為末。白湯調下  
錢許。加至二錢。日三夜二服。

又方。車前子一兩。大黃半兩。炒為末。每服三錢。蜜湯調。

附方  
四物湯

六君子湯 二方見二十四卷第六論

紫蘇飲 方見二十四卷第八論

龍膽瀉肝湯 方見二十四卷第八論

加味逍遙散

加味歸脾湯

八珍湯 三方見二十四卷第四論

二 妊娠小便不通方論第四

夫妊娠小便不通為小腸有熱傳於脬而不通耳。若兼心肺氣滯則致喘急。陳無擇云：妊娠胎滿逼胞，多致小便不利。若心腎氣虛清濁相干而為諸淋，若胞系了戾小便不通，名曰轉胞。若胎滿尿出，名曰遺尿。

愚按丹溪先生轉脬小便閉多因胎婦虛弱憂悶性燥食味厚古方用滑利疎導藥鮮效若脬為胎所墮而不通但升舉

其胎胞系疎而小便自行。若臍腹作脹而小便淋閉此脾胃氣虛胎壓尿胞四物二陳參朮空心服後探吐數次自安竊謂前症亦有脾肺氣虛不能下輸膀胱者亦有氣熱鬱結膀胱津液不利者亦有金為火燦脾土濕熱甚而不利者更當詳審施治。

附治驗

司徒李杏岡仲子室孕五月小便不利諸藥不應余曰非八味丸不能救不信別用分利之藥肚腹腫脹以致不起

儒者王文遠室患此小腹腫脹幾至於殆用八味丸一服小便滴瀝再以前丸之料加車前子一劑即利肚腹頓窅而安八味丸治婦人飲食如故煩熱不得臥反倚息因脬系了戾不得溺名轉脬但利小便則愈蓋此藥有茯苓故也緩則不

救方見二十四卷第十一論

古今錄驗妊娠小便難飲食如故

當歸

貝母

炒去心

苦參

各三兩

滑石

半兩

右為末煉蜜丸小豆大每服二三十丸米飲下

治妊娠小便不通臍下妨悶心神煩亂

葵子

研

榆白皮

切各一兩

葱白

七莖

右水煎分三服

古今錄驗妊娠不得小便杏仁去皮尖炒黃搗丸燈心湯吞

又方滑石末水和塗臍下

又方用車前草汁調滑石末塗臍周圍四寸熱易之

又方搗杏仁入滑石末飯丸小豆大每服二十九白湯下

又方用紫苑為丸并花水調下二錢

葵子散 治妊娠小便不利身重惡寒眩暈及水腫用葵子五

兩赤茯苓五兩為末每服二錢米飲調

附方

四物湯

方見二十四卷第六論

二陳湯

方見二十四卷第五論

○妊娠子淋方論第五

妊娠小便淋者乃腎與膀胱虛熱不能制水然妊娠胞繫於腎腎間虛熱而成斯症甚者心煩悶亂名曰子淋也

愚按前症若頸項筋攣語澀痰甚用羚羊角散若小便澀少

淋瀝用安榮散若肝經濕熱用龍膽瀉肝湯若肝經虛熱用

加味逍遙散腿足轉筋而小便不利急用八味丸緩則不救

若服燥劑而小便頻數或不利用生地黃茯苓牛膝黃柏知

母芩歸甘草若頻數而色黃用四物加黃柏知母五味麥門

玄參若肺氣虛而短少用補中益氣加山藥麥門若陰挺痿痺而頻數用地黃丸若熱結膀胱而不利用五淋散若脾肺燥不能化生宜黃芩清肺飲若膀胱陰虛陽無所生用滋腎丸若膀胱陽虛陰無所化用腎氣丸

附治驗

一婦人每怒發熱脇脹小便淋瀝如遇經行旬餘未已受胎三月因怒前症復作朝用加味逍遙散夕用安胎飲各二劑而安五月又怒復下血如經行四日未止仍用前藥而愈一妊娠飲食後因惱怒寒熱嘔吐頭痛惡寒胸腹脹痛大便不實其面青色小便頻數時或有血服安胎止血之劑益甚余曰寒熱嘔吐而腹脹此肝木尅脾土而元氣傷也大便秘實而面青此飲食傷脾兼肝侮土也小便頻數而有血此肝

熱傳胞而兼挺痿也用六君子加枳殼紫蘇山梔二劑脾胃頓醒又用加味逍遙散加紫蘇枳殼二劑小便頻清後節飲食調理而安

地膚大黃湯 治子淋

大黃炒 地膚草各三兩 知母 黃芩炒 猪苓

赤芍藥 通草 升麻 枳實炒 甘草各二兩

右每服四五錢水煎服

安榮散 治子淋甚妙

麥門冬去心 通草 滑石 當歸 燈心

甘草 人參 細辛各五分 右水煎服

治小便淋痛心煩悶亂

藿麥穗 赤茯苓 桑白皮 木通 葵子各一錢



黃芩炒 芍藥 枳殼 車前子炒各五分 右水煎服

治子淋小便澀痛

冬葵子 滑石 木通各等分

右每服四五錢葱白七寸水煎

猪苓散 療子淋小便澀痛方見本卷第三論

附方

羚羊角散方見四卷首論

龍膽瀉肝湯方見二十四卷第八論

加味道遙散

四物湯二方見二十四卷第四論

腎氣丸即六味丸

六味丸

八味丸三方見二十四卷第十一論

六君子湯

補中益氣湯二方見二十四卷第六論

五淋散

滋腎丸

黃芩清肺飲三方見八卷第一論

安胎飲方見十三卷第二論

○ 妊娠遺尿方論第六

妊娠尿出不知用白薇芍藥為末酒調下或白礬牡蠣為末酒調二錢或鷄毛灰末酒服一七或炙桑螵蛸益智子仁為末米飲下

愚按前症若脬中有熱宜用加味道遙散若脾肺氣虛宜用婦人良方薛氏醫按卷之十五

補中益氣湯加益智若肝腎陰虛宜用六味丸

附治驗

一妊婦遺尿內熱肝脈洪數按之微弱或兩太陽作痛脇肋作脹余以為肝火血虛用加味道遙散六味地黃丸尋愈後又寒熱或發熱或恚怒前症仍作用八珍散道遙散兼服以清肝火養肝血而痊

附方

加味道遙散

八珍湯二方見二十四卷第四論

補中益氣湯方見二十四卷第六論

六味地黃丸方見二十四卷第十一論

○妊娠尿血方論第七

妊娠尿血內熱乘於血分以致血熱流滲於脬名子淋用葵子一升研細水五升煮二升分三服或生艾葉一斤酒五升煮二升分三服亦治落產後下血

愚按前症因怒動火者宜小柴胡加山梔因勞動火者宜補中益氣湯若因厚味積熱宜用加味清胃散若因肝經血熱宜用加味道遙散若因脾氣下陷宜用補中益氣湯若因脾虛血熱宜用加味道遙散

附治驗

一妊婦因怒尿血內熱作渴寒熱往來胸乳間作脹飲食少思肝脈弦弱此肝經血虛而熱也用加味道遙散六味地黃丸兼服漸愈又用八珍湯加柴胡丹皮山梔而痊

續斷湯 治妊娠下血及尿血

婦人尿血

婦人尿血

一

三八二

當歸 生地黄各一兩 續斷半兩 赤芍藥五錢

右為末每服二錢空心用葱白煎湯調下

治妊娠尿血

阿膠炒為末四兩 熟地黄用生者四兩酒拌蒸熟研膏

右和丸桐子大每服七八十丸空心粥飲下

五苓散去桂加阿膠炒同為粗末 每四錢用車前子白茅根水煎溫服

又方白茅根濃煎湯吞酒蒸黃連丸

附方

小柴胡湯 方見二十四卷第二論

補中益氣湯 方見二十四卷第六論

加味清胃散 二方見二十四卷第一論

加味逍遙散

加味歸脾湯 二方見二十四卷第四論

○妊娠胎水腫滿方論第八

產乳集云。妊娠三月。足腫至腿出水。飲食不甘。似水腫。謂之子氣至分。挽方消者。此脾胃氣虛。或衝任經有血風。名醫錄云。宋少主元徽與徐文伯微行。學鍼法。文伯見一妊婦足腫。脉之少主曰。此女形也。文伯曰。此鬼胎也。在左而黑。遂用鍼。胎下果然。亦有脾虛水氣流溢。或因瀉痢。臟腑虛寒。或因瘧疾。飲食脾虛。濕瀆。或因水漬於胞。不能分利。皆致腿足肚腹腫症也。

愚按前症。若胸滿腹脹小便不通。遍身浮腫。用鯉魚湯脾胃虛弱。佐以四君子湯。若面目虛浮。肢體如水。氣用全生白朮散。如未應。用六君子湯。脾虛濕熱。下部作腫。用補中益氣加茯苓。若飲食失宜。嘔吐泄瀉。用六君子湯。若腿足發腫。喘悶不

安。或指縫出水。用天仙藤散脾胃虛弱兼四君子湯如未應  
用補中益氣湯若脾肺氣滯用加味歸脾湯佐以加味逍遙散

附治驗

一妊娠每胎至五月肢體倦怠飲食無味先兩足腫漸至遍  
身後及頭面此是脾肺氣虛朝用補中益氣夕用六君子加  
蘇梗而愈凡治妊娠毋泥月數但見某經症即用本藥為善  
天仙藤散 治婦人有水氣而成胎以致兩腿足浮腫

天仙藤洗畧 香附子炒 陳皮 甘草

烏藥軟白者辣者良各五分

右每服五錢生薑木瓜蘇葉各三片水煎日三服

澤瀉散 治妊娠遍身浮腫上氣喘急大便不通小便赤澀

澤瀉 桑白皮炒 木通 枳殼麩炒 檳榔

赤茯苓各五分 右薑水煎服

千金鯉魚湯 治妊娠腹大胎間有水氣

白朮五兩 茯苓四兩 當歸各三兩 芍藥各三兩

右先以小鯉魚一頭如食法煮取汁每汁二盞入藥五錢薑  
七片橘皮少許煎七分空心服

腎着湯 治妊娠腰脚腫

茯苓 白朮各八分 乾薑炮 甘草各一分 杏仁五分

右水煎服

五皮散 治胎水腫滿

大腹皮 桑白皮炒 生薑皮 茯苓皮

橘皮各一錢 木香二分 右水煎服

治妊娠脚浮腫因脾衰血化成水用生料平胃散薑棗水煎服

婦人良方 薛氏醫案卷之十五 十一 日八九

或為末用蘇葉湯調下每服二錢。

全生白朮散 治妊娠面目浮虛四肢腫如水氣名曰胎氣名

曰胎腫

白朮 一兩

生薑皮

大腹皮

陳皮

白茯苓

各半兩

右各為末每服二錢米飲下。

附方

四君子湯

六君子湯

補中益氣湯

三方見二十四卷第六論

加味歸脾湯

加味逍遙散

二方見二十四卷第四論

○妊娠腹內鐘鳴方論第九

治孕婦腹內鳴用鼠窟中土為末入麝香酒調下三錢立愈或黃連濃煎汁母常呷之

愚按產寶云小兒在腹中哭其治法亦用空房中鼠穴土或黃連濃煎飲之即止想即是症又云臍帶上疙疼兒含口中因妊婦登高舉臂脫出兒口以此作聲令妊婦曲腰就地如拾物仍入兒口即止然黃連性寒麝香開竅當酌量用之

龔彥德孕癰方第十

治孕癰用烏藥五錢水一鍾煎七分入牛皮膠一兩煎化溫服或薏苡仁煮汁飲之

愚按孕癰即是腹內患癰如前法不應宜用牡丹皮散或薏苡仁湯治驗見二十四卷

妊娠不語論第十一

孕婦不語不須服藥臨產月。但服保生丸。四物湯產下便語黃。帝問曰。人有重身九月而瘖何也。岐伯對曰。胞絡繫於腎。腎脈貫繫舌本。故不能言。十月分娩後。自爲之言也。

愚按前症。果內經窮理之言。人有患此。當調攝以需之。不必驚畏而泛用藥也。

○妊娠傷食方論第十二

經曰。飲食自倍。腸胃乃傷。又云。陰之所生。本在五味。陰之五宮。傷在五味。故妊娠傷食。最難調治者。

愚按東垣先生云。脾胃之氣。壯則過時而不饑。多食而不傷。蓋胃主司納。脾主消化。五臟之本也。然食倍而傷者。乃脾氣虛而不化也。若投以峻劑。則脾胃復傷。而胎亦損矣。當審其所因而調治之。若飲食停滯。或肚腹作痛。用平胃散。嘔吐惡

心。加枳殼。砂仁。吞酸。噎膈。加黃連三分。吳茱萸二分。腹滿泄瀉。用六君子湯。停滯肉食。倍加山楂。停滯麪食。倍加麥蘖。停滯糯米。用白酒麪末一味。米食停滯。倍加穀蘖。魚腥所傷。倍加陳皮。傷辛熱之物。加黃連。傷性冷之物。加砂仁。木香。如不應。更加肉荳蔻。補骨脂。再不應。用四神丸。若脾氣下陷。用補中益氣湯。凡噉覺藥氣。且戒藥餌。節飲食。經云。損其脾者。調其飲食。適其寒溫。大凡脾胃虛弱。飲食難化。以白朮。陳皮。爲末。等分。陳麪糊丸。常服最善。枳朮丸。但可暫用。枳實。峻厲。能耗真氣。治者慎之。

附治驗

一。妊娠因停食。服枳朮丸。胸腹不利。飲食不少。更服消導寬中之劑。其胎下墜。余謂此脾氣虛而不能承載也。用補中益

婦人良方 卷之十五  
氣及六君子湯中氣漸健其胎漸安又用八珍湯加柴胡升麻調理而痊

木香丸 治妊娠脾胃虛弱飲食不消肚腹膨脹或嘔吐泄瀉

木香 二錢 白木 炒 人參 白茯苓 各等分

右為末麩糊丸菜菔大每服三十九粒熱水下

白朮散 治妊娠脾胃虛弱氣不調和飲食易傷

白朮 炒 紫蘇 各一 人參 白芷 各三錢 炒 川芎

訶子皮 青皮 各半 甘草 炒 一 右每服二錢薑水煎

附方

平胃散 方見七卷第十八論

補中益氣湯

六君子湯 二方見二十四卷第六論

四神丸 方見八卷第八論

八珍湯 方見二十四卷第四論

○妊娠臟燥悲傷方論第十三

許學士云一婦無故數次悲泣是為臟燥用大棗湯而愈又程虎卿內妊娠五月慘感悲傷亦投大棗湯而愈

愚按前症或因寒水攻心或肺有風邪者治當審察

附治驗

一妊婦無故自悲用大棗湯二劑而愈後復患又用前湯佐以四君子加山梔而安

一妊婦悲哀煩燥其夫詢之云我無故但自欲悲耳用淡竹茹湯為主佐以八珍湯而安

大棗湯

甘草 三兩

小麥 三兩

大棗 十枚

右水六鍾煎三鍾分三服亦補脾氣

淡竹茹湯

治妊婦心虛驚悸。臟燥悲傷。或作虛煩。

麥門冬

去心

小麥

半夏

湯炮各一錢五分

人參

白茯苓

各一錢

甘草

五分

右薑棗并竹茹少許水煎

治胎臟燥悲哭。用紅棗燒存性。米飲調下。

附方

四君子湯

方見二十四卷第六論

八珍湯

方見二十四卷第四論

婦人良方卷之十六

薛氏醫按

臨川陳自明編

吳郡薛 已註

新都 閔道 政 校正

坐月門

妊娠疾病既明須知坐月門坐月禁忌故以次之

○產寶方周頌序第一

頌聞至靈者人。託重者命。人皆知命之重。而不知養命之方。以至年未衰。邁疾病攻奪。倉卒尋醫。多致有悞。况婦人病。惟產難為急。子母命懸片時。故產二三胎者。臟腑未衰。血氣未減。疾病易治。若產育過多。復自乳子。血氣愈傷。尤難治。若產後血氣未復。胃氣益傷。諸症蜂起。此古人所以專治產乳方論。余故徧採產寶等方。兼拾晉氏之遺。作為論說。粹為一編。刊行于世。以救危急。云時丁巳歲秋八月吉日周頌謹序



婦人良方 卷之十六 將護孕婦論第二

凡妊娠至臨月。當安神定慮。時常步履不可多。睡飽食。過飲酒醴雜藥。宜先貼產圖。依位密鋪床帳。預請老練穩婆。備辦湯藥。器物。欲產時不可多人喧鬧。惶惶。但用老婦二人扶行。及凭物站立。若見漿水腰腹痛甚。是胎離其經。令產母仰臥。令兒轉身。頭向產門。用藥催生。坐草。若心煩。用水調服白蜜一匙。覺飢吃糜粥少許。勿令飢渴。恐乏其力。不可強服催藥。早於坐草。慎之。愚按前論當慎守之。此先哲好生之德。防患於未萌者也。仁哉。

滑胎例第三

凡妊娠十月。宜用滑胎湯藥。

滑胎枳殼散。令胎瘦產易。湖陽公主每產累日不下。南山道人進此方。

商州枳殼

熨炒

粉草

炒

右為末。每服二錢。空心沸湯調。日三服。凡孕六七月宜服之。

溫隱居加當歸。廣木香各等分。

易產兼治諸疾。下氣寬膈。

枳殼

熨炒

甘草

一兩

香附子

三兩炒

右為末。每服二錢。用白湯調服。

丙補丸。治妊婦衝任脉虛。補血安胎。

熟地黄

二兩用生地酒拌蒸熟杵膏

當歸

一兩炒

石為末。和丸。梧子大。每服三四十丸。溫酒或滾湯下。許學士

云。大率妊娠。唯在抑湯助陰。然胎前藥。唯惡羣隊陰陽錯雜。別生他病。唯枳殼散。所以抑陽。四物湯。所以助陰。爾然枳殼散。其味多寒。若單服。恐致胎寒。腹痛。更以內補丸佐之。則陽

婦人良方 不致強陰。不致弱陰陽。調和有益胎嗣。此前人未嘗論及也。易產滑胎。車前子為末。或酒或飲。服寸匙。詩云。芣苢能令婦人樂。有子矣。陸機注云。治婦人產難。愚詳孔子序詩云。樂然而生。易於生育。即此謂也。

神寢丸 臨月服之神效。蕪州施少卿方。蕪州徐大丞傳。

通明乳香 半兩 另研 枳殼 麩炒 一兩

右為末。煉蜜丸。梧子大。每服三十丸。空心溫酒下。

榆白皮散 治妊娠滑胎易生。

榆白皮 甘草 各二兩 葵子 一兩

右為末。每服五錢。水煎。孕及九月將產。猪肚一具。煮爛。徐徐自食。盡易生。

保氣散 治寬氣進食。瘦胎易產。或居處失宜。頓什胎動。若胎

痛胎漏。兼服佛手散。見通方。

香附 四兩 山藥 二兩 砂仁 一兩 木香 四兩

粉草 一兩 益智 紫蘇葉 各半兩

右為末。每服二錢。白湯調下。

神寢丸。枳殼散。見前。此三藥。八月宜常服。

保產無憂散 治妊婦身居安逸。口厭甘肥。憂樂不常。食物不

節。致胞胎肥厚。根蒂堅牢。八月服之。則易生矣。

當歸 川芎 白芍藥 枳殼 麩炒 乳香 各三錢

木香 甘草 血餘 即髮灰。以積指心。血和之。各一錢半。

右為末。每三錢。水煎。日二服。神效。

○月空方位例第四 出太平聖惠方。外臺秘要同。

正月 三月 五月 七月 九月 十一月 在丙壬

二月 四月 六月 八月 十月 十二月 在甲庚

○逐月安產藏衣忌向方位第五


凡安產藏衣方位竝於臥閣內分布。太平聖惠方云：凡姪婦初八月，便寫產圖一本，以朱書某月某日空貼在某位。如正月在丙壬，可於壬位安產婦床帳丙位藏衣之類。貼產房北壁。若值閏月，只看節氣用之。又云：每月產圖，有雷公招搖、運鬼力士、天狗、軒轅、大時、咸池、豐隆、吳時、白虎、大夫、天候、狂虎。凡此十三神，竝從月建易其位。所謂月空者，按內經云：月廓空無寫。王水注云：論月輪中空日也。卽非十三神之數。今太平聖惠方以六陽月在丙壬，以六陰月在甲庚。正如外臺所言。正月在丙壬，至十二月在甲庚之類。其理一也。但外臺言之詳，聖惠言之簡。今人多從其簡。或云：凡逐月安產藏衣，竝向月德月空方位。所有十二神殺，竝從節氣更換。若交次月節，便作次月用書產圖者，非

也。假如正月十四日立春，若姪婦十三日乳臥，豈可作去年十二月用。必依月分用之。乃是若依節氣，便換則天德月德所在。差矣。然月空與任謂之中，天空頗相類。議者以爲天空者，非十三神之數。蓋課中有天乙貴人，其位無可與對者。故此空是謂天空。值此神百事不宜。止宜安產婦床帳藏衣之類耳。集聖曆云：天德正月在丁，二月在坤，三月在壬，四月在辛，五月在乾，六月在甲，七月在癸，八月在艮，九月在丙，十月在乙，十一月在巽，十二月在天。

又堪輿曆有遊年白虎殺神在太歲後一辰。如太歲卯，則白虎在寅。餘倣此推之。若產及藏衣犯之，則子母皆不利。

王子亨云：難產逆生論稱犯一切神殺，固有是理。然亦有自然難產兒自逆生者。及有產腸俱下者。產已則復如故。此非

婦人長方  
疾病所致氣血所主天下之理蓋有不可窮詰者亦宜知之



安產藏衣十三神吉凶方位

藏衣	安運	雷公	招搖	咸池	豐隆	天狗	天侯	天虎
吉方	吉方	吉方	吉方	吉方	吉方	吉方	吉方	吉方
正月	壬丙	艮寅	卯辰	辰辰	午申	酉戌		
二月	坤	艮乾	亥卯	子丑	未巳	酉巳	戌亥	
三月	丙壬	坤申	辰酉	戌戌	午子	寅亥	子	
四月	甲庚	巽巳	巳午	未丑	未酉	亥子	丑	
五月	丙壬	艮寅	午卯	辰辰	申子	申丑	寅	
六月	庚甲	乾亥	未子	丑未	酉卯	巳寅	卯	
七月	丙壬	坤申	申酉	戌戌	戌子	寅卯	辰	
八月	庚甲	巽巳	酉戌	丑亥	卯亥	辰巳		

婦人長方  
卷之十六  
五  
日九七

九月 丙壬艮寅戌卯辰辰子午申巳午

十月 庚甲乾亥亥子丑未丑卯巳午未

十一月 庚甲巽巳丑午未丑卯酉亥申酉

推婦人行年法第六

生氣方 產婦宜向之坐臥及產帳向之開門大吉。

反支方 遇此月卽鋪灰土用牛皮或馬驢皮訖鋪草勿令惡

血污地吉。

禍害月 不得於其上產又不得向之二便避之大吉。

絕命方 不得於其上產又不得向之大小便避之大吉。

懸尸口 遇此日產不得攀繩宜懸馬轡攀之大吉。

閉肚方 臨月至滿日並不得向之小便及棄不淨之水謹

之吉

八在方 產帳不得向之開門忌之大吉

坤 艮 震 巽 坎 離 坤 兌 乾 艮 坎 離 坤 兌 乾 艮

十三歲行年在庚申坤 正七 離 巽 辰 戌

在正西偏北辛○在正東偏北甲○黃色衣西南首○西南

方黃衣師看產

十四歲行年在巳未離 正八 坤 兌 卯 酉

在正北偏西壬○在正北偏東癸○赤色衣正南首○正南

方赤衣師看產

十五歲行年在戊午坎 正九 乾 艮 丑 未

在正東偏北甲○在正北偏西壬○黑色衣正北首○正北

方黑衣師看產

十六歲行年在丁巳震四月艮乾丑未

在正東偏北甲○在正西偏北辛○青色衣正東首○正東方青衣師看產

十七歲行年在丙辰艮五月震艮子午

在正東偏南巳○在正南偏南庚○黃色衣東北首○東方黃衣師看產

十八歲行年在乙卯乾六月坎震卯亥

在正南偏東丙○在正南偏西丁○白色衣西北首○西方白衣師看產

十九歲行年在甲寅兌正月巽離辰戌

在正南偏西丁○在正南偏東丙○白色衣正西首○正西

方白衣師看產

二十歲行年在癸丑巽二月兌坤卯酉

在正西偏南庚○在正東偏南乙○青色衣東南首○東方青衣師看產

二十一歲行年在壬子坤三月離巽寅申

在正西偏北辛○在正東偏北甲○黃色衣西南首○西方黃衣師看產

二十二歲行年在辛亥離四月坤兌丑未

在正北偏西壬○在正北偏東癸○赤色衣正南首○正南方赤衣師看產

二十三歲行年在庚戌坎五月乾艮子午

在正北偏東癸○在正北偏西壬○黑色衣正北首○正北

方黑衣師看產

二十四歲行年在巳酉震二月艮乾巳亥

在正東偏北甲○在正西偏北辛○青色衣正東首○正東

方青衣師看產

二十五歲行年在戊申艮正月震坎辰戌

在正東偏南乙○在正西偏南庚○黃色衣東北首○東北

方黃衣師看產

二十六歲行年在丁未乾二月坎震卯酉

在正南偏東丙○在正南偏西丁○白色衣西北首○西北

方白衣師看產

二十七歲行年在丙午兌三月巽離寅申

在正南偏西丁○在正南偏東丙○白色衣正西首○正西

方白衣師看產

二十八歲行年在乙巳巽四月兌坤丑未

在正西偏南庚○在正東偏北乙○青色衣東南首○東南

方青衣師看產

二十九歲行年在甲辰坤五月離巽子午

在正西偏北辛○在正東偏南甲○黃色衣西南首○西南

方黃衣師看產

三十歲行年在癸卯離六月坤兌巳亥

在正北偏西壬○在正北偏東癸○赤色衣正南首○正南

方赤衣師看產

三十一歲行年在壬寅坎正月乾艮辰戌

在正北偏東癸○在正北偏西壬○黑色衣正北首○正北

方黑衣師看產

三十二歲行年在辛丑震月二八艮乾卯酉

在正東偏北甲○在正西偏北辛○青色衣正東首○正東

方青衣師看產

三十三歲行年在庚子艮月三九震坎寅申

在正東偏南乙○在正西偏南庚○黃色衣東北首○東北

方黃衣師看產

三十四歲行年在巳亥乾月四十坎震丑未

在正南偏東丙○在正南偏西丁○白色衣西北首○西北

方白衣師看產

二十五歲行年在戊戌兌月五十巽離子午

在正南偏西丁○在正南偏東丙○白色衣正西首○正西

方白衣師看產

三十六歲行年在丁酉巽月六十兌坤巳亥

在正西偏南庚○在正東偏南乙○青色衣東南首○東南

方青衣師看產

三十七歲行年在丙申坤月正七離巽辰戌

在正西偏北辛○在正東偏東甲○黃色衣西南首○西南

方黃衣師看產

三十八歲行年在乙未離月二八坤兌卯酉

在正北偏西壬○在正北偏東癸○赤色衣正南首○正南

方赤衣師看產

三十九歲行年在甲午坎月三九乾艮寅丑

在西北偏東癸○在正北偏西壬○黑色衣正北首○正北



婦人良方 卷之十六  
方照衣師看產

四十歲行年在癸巳震四月艮乾丑未

在正東偏北甲○在正西偏北辛○青色衣正東首○正東

方青衣師看產

四十一歲行年在壬辰艮五月震坎子午

在正東偏南乙○在正西偏南庚○黃色衣東北首○東北

方黃衣師看產

四十二歲行年在辛卯乾六月坎震巳亥

在正南偏東丙○在正南偏西丁○白色衣西北首○西北

方白衣師看產

四十三歲行年在庚寅兌正月巽離辰戌

在正南偏西丁○在正南偏東丙○白色衣正西首○正西

方白衣師看產

四十四歲行年在巳丑巽二月兌坤卯酉

在正西偏南庚○在正東偏南乙○青色衣東南首○東南

方青衣師看產

四十五歲行年在戊子坤三月離巽寅申

在正西偏北辛○在正東偏北甲○黃色衣西南首○西南

方黃衣師看產

四十六歲行年在丁亥離四月坤兌丑未

在正北偏西壬○在正北偏東癸○赤色衣正南首○正南

方赤衣師看產

四十七歲行年在丙戌坎五月乾艮子午

在正北偏東癸○在正北偏西壬○黑色衣正北首○正北

方黑衣師看產

四十八歲行年在乙酉震六十日艮乾巳亥

在正東偏北甲。在正西偏北辛。青色衣正東首。正東

方青衣師看產

四十九歲行年在甲申艮正七日震坎辰戌

在正東偏南乙。在正西偏南庚。黃色衣東北首。東北

方黃衣師看產。坐產時更用後法

體玄子借地法第七

東借十步 西借十步 南借十步

北借十步 上借十步 下借十步

壁方之中四 步安產借地或有穢污或有東海神王或有

西海神王或有北海神王或有日遊將軍白虎

夫人遠去十丈。軒轅招搖舉高十丈。天符地軸入地十丈。令地

空閑產婦某氏安居。無所妨碍無所畏忌。諸神擁護。百邪速去。

急急如律令。敕前項借地法於入月一日朱書一本貼產婦房內牆壁上更不須避忌神殺也

禁草法第八 鋪草及氈褥訖即咒曰

鐵鐵湯湯非公所當。是王一言得之銅。一言得之鐵。母子相生

俱獲鐵。急急如律令。

禁水法第九 欲產時貯水咒曰

南無三寶水

水在井中為井水 水在河中為河水

水在器中為淨水 水在法中為真水

自知非真莫當真水

以淨持濁 以正治邪 日遊月殺 五士將軍

青龍白虎

朱雀玄武

招搖天狗

軒轅女妓

天吞地吞

懸尸閉肚

六甲禁諱

十二神王

土符伏神

各安所在

不得動靜

不得忌干

若有動靜

若有忌干

施以神咒

當攝汝形

阿佉尼阿毗羅莫多梨娑地梨娑訶

入月預備藥物第十

愚按前所預備內佛手保氣枳殼榆皮黑神大聖蓋石七散  
神寢保生理中三丸催生黑虎二丹及催生神符又葵子生  
地黃羌活竹茹烏梅雌雄石燕甘草海馬銜鉄大棗陳皮薑  
錢黑豆白蜜無灰酒童子小便酸醋白米湯瓶鍋銚斷臍線  
剪之類可謂周恤之至矣內花葶石散為血入胞衣脹大不  
能下或惡露上攻不能甦醒佛手散治血虛之危症加味芎

歸湯治交骨不開葶麻子治胎衣不能上下失笑散治惡露

腹痛不省人事蜡油調滑石奎入產門為滑胎之藥清魂散

治血暈等症平胃散朴硝水銀為腐化死胎之劑八珍湯補

血氣虛損已上諸方皆為緊要之藥必不可缺其斷臍帶先

用線近臍札緊帛裹咬斷如天氣風寒或難產母子勞傷元

氣者先札臍帶以油紙燃燒斷此又為迴生起死之要法也

催生靈符第十一

靈符宜以水飛朱砂書之貼於房內北壁上至坐褥之時將符  
以針劄就蓋內化之溫水調服

治產難橫生逆產胞衣不下靈符見後出聖惠方局方同

麗 幽 𪔐 𪔑 𪔒

𪔓

不安穩朱書貼產婦處北壁上

𪔔

覺不安穩書貼枕上

𪔕

橫生朱砂書此符以順水吞下

𪔖 𪔗 𪔘 𪔙

此四符人月一曰墨書鞋底土密安產婦蓆蓐下勿令人知

𪔚 𪔛 𪔜 𪔝

此三符遇產難以墨書吞之

麗 麗 坐 鬼 𪔞

此四符遇胞衣不出以朱砂書吞下

謹按前所著方論圖向符訣一帙自夫人泛視之以為迂遠然艱於得子者恒相質問則惟此書為要屢試有明驗也余每觀其護孕之方極為曲當易產之藥悉有根據至於圖向之趨避吉凶所關符訣之玄微神妙顯用其誠有得於諸先哲者平不然王太僕諸公深於奧理者也豈謬論耶則是書也誠妊娠良方家戶之所當珍藏考究者使合此而施治於妊婦鮮不有誤矣觀者勿以為迂遠云

婦人良方卷之十六

婦人良方卷之十六

婦人良方卷之十七

薛氏醫按

臨川陳自明編

吳郡薛

已註

新都閔道政校正

產難門

坐月既明須知產難故以次之

○產難論第一

婦人以血為主。惟氣順則血和。胎安則產順。今富貴之家。過於安逸。以致氣滯而胎不轉動。或為交合。使精血聚於胞中。皆致產難。若腹或痛或止。名曰弄胎。穩婆不悟。入手試水。致值破漿。乾兒難轉身。亦難生矣。凡產值候。痛極兒逼產門。方可坐草。時當盛暑。倘或血運血溢。當飲清水解之。冬末春初。產室用火。和煖下部衣服。尤當溫厚。方免胎寒血結。若臨月洗頭濯足。亦致產難。

愚按丹溪先生曰余族妹苦於難產遇胎則驅之予甚憫焉  
蓋其形肥而勤女工形肥則氣虛久坐則氣不運而兒在胞  
胎因亦不能自運當補其母之氣則兒健易產故後有孕至  
五六月遂以紫蘇飲加補氣藥與之數十貼而產甚快大要  
在隨母之稟性若胎胞破早血水先乾或難產勞傷氣血者  
煎八珍湯或十全大補湯加益母草不時與服以協濟之或  
以黃芪數觔芎歸四五觔許大釜水煎藥氣氤氳滿室使產  
婦口鼻俱受其氣臍帶以油紙撚燒斷補接其陽氣穩婆須  
擇老練者當先施惠預說與知倘有生息不順只說是未產  
或是雙胎只說胎衣未下恐驚則氣散愈難生息

附治驗方藥

荆婦孟冬分娩艱難勞傷元氣產子已死用油紙撚燒斷臍

帶藉其氣以爇之俄頃忽作聲此兒後無傷食作瀉之症可  
見前法之功不誣世用刀器斷臍帶子母致危者竟不知其  
由矣且穩婆又喜平日常施小惠得其用心兼以安慰母懷  
故無虞耳一穩婆云我止有一女正分娩時適當巡街侍御  
行牌取我視其室分娩女因驚嚇未產而死後見侍御更以  
威顏分付迨視產母胎雖順而頭偏在一邊以致難產因畏  
其威不敢施手由是其子母俱不能救

紫蘇飲

方見十二卷第八論

十全大補湯

八珍湯

二方見二十四卷第四論

楊子建十產論第二

凡生產先知此十証庶免子母之命折於無辜也世之收生者

少有精良妙手多致傾命予因傷痛而備言之

一曰正產

正產者言懷胎十月陰陽氣足忽然作陣疼痛胎至谷道漿破血下兒即正產

二曰傷產

傷產者言懷胎未足月有所傷動以致忽然臍腹疼痛或服催藥過早或產母努力太早逼兒錯路不能正生凡分娩須待兒身轉順頭對產門努力一送兒即正生

三曰催生

催生者言欲產時兒頭至產門方服藥催之或經日久產母困倦難生宜服藥以助其血氣令兒速生

四曰凍產

凍產者言天氣寒冷產母血氣遲滯兒不能速生故衣裳宜厚產室宜煖背心亦宜溫和庶兒易生

五曰熱產

熱產者言盛暑之月產婦當溫涼得宜熱甚產母則頭疼面赤昏暈若產室人眾熱氣蒸逼亦致前患名曰血暈若夏日風涼陰雨亦當謹避

六曰橫產

橫產者言兒方轉身產母用力逼之故也凡產母當令安然仰臥穩婆先推兒身順直頭對產門以中指探其肩不令臍帶羈扳方用藥催之繼以產母努力兒即生

七曰倒產

倒產者言兒未能轉身產母努力故也當令產母仰臥穩婆推

婦人良方 薛氏醫案卷之十七 七

八候兒自順若良久不生令穩婆手入產戶一邊撥兒轉順近產門却服催藥并努力卽下

八曰偏產

偏產者言兒回身未順生路產母努力逼兒頭偏一邊產雖露頂非也乃額角耳當令產母仰臥穩婆輕手正其頭向產門却令產母努力子卽下若兒頂後骨偏拄穀道露額令穩婆以綿衣炙煖裏手於穀道外傍輕手推正令產母努力兒卽生

九曰礙產

礙產者言兒身已順門路已正兒頭已露因兒轉身臍帶絆其肩以致不能生令產母仰臥穩婆輕推兒向上以中指按兒肩脫臍帶仍令兒身正順產母努力兒卽生

十曰坐產

坐產者言兒之欲生當從高處牢繫手巾一條令產母以手攀之輕輕屈坐令兒生下不可坐砥兒生路

十一曰盤腸產

趙都運莽人每臨產則子腸先出然後產子其腸不收名曰盤腸穩婆以醋水各半盞默然喚產婦面背才收不可不知

愚按前症古方以草麻子仁四十九粒研塗產母頭頂腸收上卽洗去其腸若乾以磨刀水少許溫潤之以用磁石煎湯服之卽收上磁石須陰陽家用有驗者若以水喚母面背恐驚則氣散

治盤腸產以半夏為末搐鼻中腸自上

又方大紙撚以麻油潤燈吹滅以烟薰產婦鼻中腸卽上

又方腸出盛以潔淨漆器澤煎黃芪湯浸之腸卽上



○催生方論第三

五行論命以年月日時支干五行相生相值以推其貴賤其間最切要者時也得其時則終身富貴失其時則一世貧賤然則命稟於有生之初豈可催乎世之催生之說蓋為產難而設也今開歷驗數方于後

催生柞木飲子 治產難或胎爛腹中腹悶其效如神

生柞木

一尺

甘草

大者五寸

右用水三鍾紙封罐口煎一鍾半候胎順產門徐徐溫服即時分娩更無諸苦切不可早於坐草及穩婆下手催逼

催生如神散 治逆產橫生其功甚大

百草霜

白芷

不見火各為末等分

右每服三錢至胎順產門以童便米醋和如膏加沸湯調下

或童便酒煎進二服然血得黑則止此藥大能固血又免血乾甚妙

如聖散用黃蜀葵花焙為末熱湯調下二錢若漏血胎胞乾澁難產併進三服即產如無花用葵子末半吞調溫酒服尤妙若打撲胎死紅花酒調下

順生丹 治症同上

兔腦髓

去皮膜

明乳香

一兩

母丁香

末

射香

一錢

石以兔腦髓丸雞頭大陰乾每服一丸溫水下男左女右手

握出

兔腦臘月者尤佳

又方通明乳香一塊如阜子大為末腰痛時用冷水醋少許調服扶立令兩手拿石燕二個念醫靈藥聖三遍行數步坐草便生更無痛楚神效

愚按前法觀之似迂其用者云甚驗。

治產不順

蛇蛻一條 蠶蛻紙一張無

右入新瓦瓶內。鹽泥固濟。存性為末。煎榆白皮湯下一錢。三

服覺痛便生。

又方用伏龍肝研末。每服一錢。酒調下。兒頭戴土而下。

又方吞槐子十四粒。即下。

又方當歸為末。酒調一錢服。良久再服。

一方用魚膠一尺許。新瓦上煨灰。陳醋調服立下。

又方大朱砂於端午日晒起。以百日為度。研為細末。用臘月兔

腦髓丸綠豆大。欲產時粥飲下一丸。良久便生。其藥男左女

右。手中握出。晒朱砂不得着雨。

又方臘月兔頭煨為末。葱白煎湯調二錢立生。或臘月兔血紙

袋盛掛當風處。陰乾為末。煎乳香湯調下二錢。或兔皮和毛

燒為末。酒調下二錢。即下。如胎衣未下。再服。

神妙乳砂丹。用明乳香為末。以猪心血丸。桐子大。硃砂為衣。陰

乾。每服二丸。嚼碎。冷酒下。良久未生。再服。○難產以蓮葉蒂

七箇。水煎化服二丸。良久未生。再服。○胞漿先乾。胎不得下。

急服大料四物湯。滋其血氣。并濃煎葱湯。薰洗產戶。更用油

燭塗產戶內。却服前藥。○胎死不下。用朴硝五錢。滾湯調下。

或平胃散一服。胞衣未下。酒水服一丸。○橫逆不順。先用如

神散。方見前產門不開。用加味芎歸湯。仍服二丸。須月初上辰

日。修合。鹽塗兒足底。急強摩之。即產。

應急方。好墨新汲水。濃磨服之。墨水裹兒出。○又方清油同

治產不順。好墨新汲水。濃磨服之。墨水裹兒出。○又方清油同

婦人良方 卷之十一  
密等分。入滾湯少許調服。或油煎一盞服之。或路傍破草鞋一隻。取鼻絡小耳繩燒灰酒調服。

交骨不開產門不開方論第四 新附

竊謂交骨不開產門不開。皆由元氣素弱胎前失於調攝。以致血氣不能運達而然也。交骨不開。陰氣虛也。用加味芎歸湯補中益氣湯。產門不開。氣血虛也。月十全大補湯。

附治驗

地官李孟卿。娶三十五歲女為繼室。妊娠慮其難產。索加味芎歸湯四劑。備用。果產門不開。止服一劑。頓然分娩。

上舍懷德之室。產門不開。兩日未生。服前藥一劑。即時而產。懷德傳服此方。用者無有不驗。

一婦人分娩最易。至四十。妊娠下血甚多。產門不開。與前湯

劑。又以無憂散。勸許煎熟時時飲之。以助其血而產。

一產婦陰門不閉。發熱惡寒。用十全大補湯加五味子。數劑而寒熱退。又用補中益氣加五味子數劑。而陰戶斂。若初產腫脹。或熾痛而不閉者。用加味逍遙散。若腫既消而不閉者。者用補中益氣湯。切忌寒涼之劑。

一婦人脾胃素弱。兼有肝火。產後陰門腫痛。寒熱作渴。嘔吐不食。數大黃等藥。服驅利之劑。腫及於臀。虛症蜂起。此真氣虛也。先用六君子以固脾胃。乃以補中益氣湯升舉而消。

一產婦失治。腫潰不已。形體消瘦。飲食少思。朝寒暮熱。自汗盜汗。半年矣。余用補中益氣加茯苓半夏。以健脾胃。膿水漸少。飲食漸進。用歸脾湯以解脾鬱。共五十餘劑。元氣復而瘡亦愈矣。

婦人良方 產婦陰門不閉小便淋瀝腹內一物攻動脇下或脹或痛用加味逍遙散加車前子而愈。

一婦人子宮腫大二日方入損落一片殊類猪肝面黃體倦飲食無味內熱晡熱自汗盜汗用十全大補湯二十餘劑諸症悉愈仍復生育。

加味芎歸湯 治交骨不開不能生產。

川芎

當歸各一

自死龜板一箇 酥炙

婦人頭髮一握 燒存性

右為散每服五錢水煎服約人行五里即生如胎死亦下灼過龜板亦可。

十全大補湯

方見二十四卷第四論

補中益氣湯

方見二十四卷第六論

○郭稽中產難方論第五

論曰產難者因兒轉身將兒枕血塊破碎與胞中敗血壅滯兒身不能便利是以難產急服勝金散消散其血使兒自易生陳無擇云多因兒未轉順坐草太早或努力太過以致胞衣破而血水乾產路澁而兒難下宜先服催生如神散以固其血設或逆生橫產當用前法針刺之。

勝金散

麝香末一錢

豆豉一兩

右每服一錢用秤錘燒赤淬酒下催生如神散亦可用。

○產難子死腹中方論第六

產難子死腹中多因驚動太早或觸犯禁忌其血先下胎乾涸而言也須驗產母舌若青黑其胎死矣當下之故產產坐臥須順四時方向并遵五行避忌則吉。

附治驗

一穩婆之女。勤苦負重。妊娠腹中陰冷。重墜口中甚穢。余意其胎已死。令視其舌青黑。與朴硝半兩許服之。化下穢水。而一婦人胎死。服朴硝下穢水。肢體倦怠。氣息奄奄。用四君子為主。佐以四物。薑桂調補而愈。

一方。水銀半兩。桂末一錢。作一服。溫酒調下。粥飲亦可。

又方。以利斧煨赤。置酒中。待溫飲之。其子便下。

又方。用錫粉水銀各一錢。枣肉丸。大豆許。水吞下。立出。

又方。朴硝三錢。溫童使調下。猫犬牛畜用之皆驗。

又方。平胃散五錢。酒水各一盞。煎至一盞。投朴硝五錢。再煎三

五沸。溫服。其胎即化水而出。

寶慶方云。凡欲斷臍帶。先以繫物墜下。後可斷之。否則胞衣

上即冲心而死。

附方

四君子湯

四物湯 二方見二十四卷第六論

○產難生死訣第七

欲產之婦脈離經。

難經云。一呼三至曰離經。此是陽加於陰一倍也。一呼一至亦曰離經。此是陰加於陽四倍也。注云。經者常也。胃脈離常絡之處。周即言之一呼脈再至。一吸脈再至。曰脾和之脈。故一呼脈行三寸。一吸脈行三寸。呼吸定息。脈行六寸。一日一夜一萬三千五百息。脈行八百一十丈。乃于一周復從始之。經再行。今一呼脈三至。一吸脈三至。呼吸定息。脈行九寸。一

婦人良方 卷之十一  
日一夜脉行通計一千二百一十五丈過于平脉之數不在所起之經再起故曰離經若一呼一至脉行寸半一吸一至脉行寸半呼吸定息脉行三寸一日一夜通計脉行得四百單五丈乃謂一周是及平脉之數周而復始亦不在所起之經再起亦曰離經也

沉細而滑也同名

臨產之婦脉見沈細而滑者乃腎臟本脉之形然腎繫胞胎見此脉者亦與離經之脉同名也

夜半覺痛應分誕來日日午定知生

若妊婦夜半時覺腹痛定知來日午時當分娩也聖惠方云

夜半子時覺腹痛來日午時必定生產謂子午相半日觀也

身重體熱寒又頻舌下之脈黑復青反舌下冷子當死腹中須

遣子歸冥

凡妊婦身有沈重者胃氣絕也又體熱寒慄頭併者王氣衰陰氣盛也若舌捲下脈青黑色也及舌反捲上冰冷不溫者子母俱死之候

面赤舌青細尋看母活子死定應難

凡妊婦面色赤是榮氣流通母活之候舌上青色是妊脈絡絕胎死之候

唇口俱青沫又出子母俱死總高判

若妊婦唇口俱青色者榮衛氣絕也又口中吐出痰沫者是脾胃之氣俱絕此是子母俱死之候也

面青舌青沫出頻母死子活是知真不信若能看應驗尋之賢哲不虛陳

凡妊婦面與舌皆青色。又吐痰沫者。是產婦榮衛俱絕。胎氣衝上之候。此是子活母死之候。產下子母必死也。此古賢哲應驗之文。不虛妄陳其說也。

新產之脈。緩滑吉。實大弦急死來侵。

凡婦人新產之後。其脈來緩滑者。為氣血通利調和。是安吉之兆也。若見牢大弦急之脈。則凶。必死之脈也。

若得沉重小者吉。忽若堅牢命不停。

若產婦診得沉重微小者。此是形虛相應。故云吉兆之脈。忽然診得堅硬牢實之脈。是脈盛形衰相反。性命不可停留。必死也。

寸口澁疾不調死。

若產後寸口脈澁疾。大小不調勻者。此是血氣衰絕之脈。故

云死也。

沉細附骨不絕生。

若重手按之。乃得其脈沉細。附着於骨。不斷絕有力者。此生活之兆也。

審看此候。分明記長。須念此向心經。

凡為醫者。宜詳審脈証。分明記於心。曾也。

愚按前論。與脈訣刊誤所云不同。觀者審之。

